

四庫全書

子部

欽定四庫全書

子部
玉海卷一百九十六

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣張 霽

欽定四庫全書

玉海卷一百九十六

宋 王應麟 撰

祥瑞

地瑞

山川金石

宓犧河圖龍圖洛書

繫辭河出圖洛出書聖人則之疏春秋緯云河以通乾

出天苞洛以流坤吐地符河龍圖發洛龜書感河圖有
九篇洛書有六篇孔安國以為八卦九疇又禮緯含文
嘉曰伏羲德合上下天應以鳥獸文章地應以河圖洛
書則而象之乃作八卦 宋志宓犧受龍圖畫八卦所
謂河出圖 隋志河圖二十卷

梁河圖洛書
一十四卷亡

河圖龍文

一卷

文選注
引之

古三墳伏羲氏皇策辭曰惟天至仁於草

生月天雨降河龍馬負圖神開我心 蘇嘉慶河圖九

宮法五數為中戴九履一左三右七二四為上六八為

下 詩大明疏唐堯之受河圖昌名已在其錄 魯頌
疏中候握河紀說帝堯受河圖之禮云稷辨護 古史
考伏羲時靈龜負河圖八卦是也

黃帝錄圖 龍圖 龜書 堯河圖 舜河圖

禹河圖 洛書 綠字 周成王河圖

又見

龍 龜

漢郊祀志三代居三河河洛出圖書 龍魚河圖曰堯

到翠嬀之川大龜負圖 詩疏六藝論云河圖洛書皆

天神言語以教告王者 晉天文志黃帝受河圖始明
休咎 宋志黃帝遊洛水之上見大魚魚流於海得圖
書焉龍圖出河龜書出洛赤文篆字堯觀於三河常有龍
隨之一日龍負圖而至文曰亦受天祐修壇場於河雒
率舜等升首山遵河渚有五老遊焉蓋五星之精也相
謂曰河圖將來告帝以期二月辛丑昧明禮備至于日
昃有龍馬銜甲赤文綠色臨壇而止吐甲圖而去甲似
龜背廣九尺其圖以白玉為檢赤玉為泥以黃金約以

青繩檢文曰闡色授帝舜帝乃寫其言藏于東序後二
年二月仲辛率羣臣沈璧于洛至下吳赤光起元龜負
書而出背甲赤文成字止于壇舜設壇于河黃龍負圖
長三十二尺廣九尺出于壇畔赤文綠錯禹觀於河有
長人出曰吾河精也授禹河圖言治水之事洛出龜書
六十五字是為洪範此謂洛出書湯東至洛觀堯壇黃
魚黑鳥止於壇化為黑玉又有黑龜並赤文成字赤爵
銜書及豐鳳凰銜書遊文王之都成王觀河洛沈璧青

龍臨壇銜玄甲之圖禮於洛亦如之玄龜青龍蒼光止
於壇背甲刻書赤文成字周公拔筆寫之 白虎通王
者德至淵泉則河出龍圖洛出龜書 漢五行志叙河
圖命庖犧書賜禹八卦成列九疇道叙世代實寶光演
文武 晉地理志大禹觀濁河而受綠字 選注論語
識堯觀河渚一老曰河圖將來告帝期 帝命驗曰順堯
考德題期立象宋均注曰堯省河洛得龜龍之圖書舜
禪後習堯禮得之演以為考河命題期立象三篇在中

候 河圖挺佐輔曰黃帝云余夢見兩龍挺白圖授余
於河之都天老曰天其授帝圖乎黃帝齊七日至翠嫺
之川大魚沂溜而至汎白圖蘭葉朱文以授黃帝名曰
綠圖 魏志注黃帝受命風后受河圖 文心雕龍綠
圖曰渾渾嗚嗚棼棼雉雉萬物盡化言至德所被也丹
書曰義勝欲則從戒謹之至也 胡氏曰河出圖洛出

書而八卦畫簫韶作春秋成而鳳麟至事應雖殊其理
一也易曰大人者先天云云舜孔子先天者也先天而

天弗違志壹之動氣也伏羲氏後天者也後天而奉天
時氣壹之動志也 中候成王觀于河沈璧禮畢至于
日昧榮光塞河青雲浮洛青龍臨壇銜玄甲之圖吐之
而去 淮南子至德之世洛出丹書河出綠圖 隋潘
徽云龍筴授河龜威出洛綠綈白檢述勛華之運金繩
玉字表殷夏之符

詳見
六經

舜金車 殷山車 周泰山器車

並見車類

殷山溢銀 漢昆田黃金 泰山黃金 麟趾

裏蹠

史封禪書殷得金德銀自山溢

流出也

漢武紀元封六

年三月詔朕禮首山昆田出珍物化或為黃金太始二年三月詔有司議曰往者朕郊見上帝西登隴首獲白麟呂饋宗廟渥注水出天馬泰山見黃金宜改故名今更黃金為麟趾裏蹠呂協瑞馬因以班賜諸侯王注師古曰金有常形制欲表祥瑞改鑄為麟足馬蹠之形以

易舊法今人於地中得馬蹏金甚精好形製巧妙
秦櫟陽雨金作畦時

文王河圖 洛書

易乾鑿度今人天元二百七十五萬九千二百八十歲

昌以伯受命

注受洛書命
為天子也

入戊午部二十九年伐崇侯

作靈臺改正朔布王號天下受錄應河圖

注受命後五
年乃為此

詩文王疏識緯注說皆言文王受洛書又尚書運期

授引河圖曰倉帝之治八百二十歲立戊午部注云周

文王以戊午部二十九年受命

漢山稱萬歲 唐太行聖崖響

紀元封元年春正月行幸緱氏詔曰親登嵩高御史乘
屬在廟旁吏卒咸聞呼萬歲者三登禮罔不答其加增
太室祠太始三年二月禮日成山登山之罍浮太海山稱
萬歲 志二月東幸緱氏禮登中嶽太室從官在山上
聞若有言萬歲云 唐武德二年三月安昌縣言太行
山聖人崖響云唐國興治萬年

又見五行志

漢灤湖黃金

紀永平十一年灤湖出黃金廬江太守以獻時麒麟白雉醴泉嘉禾所在出焉 隨車表舜還雨來秦不愛其寶厥貢惟金 櫟陽之雨林邑之流昆田之祥

漢河圖

西都賦大漢受命而都之也俯協河圖之靈注雜書曰河圖命紀五經緯皆河圖也 典引圖書亮章天哲也

晉氏池元石 魏寶石負圖

武紀泰始三年夏四月戊午張掖太守焦勝上言氏池

縣大柳谷有元石一所白畫成文實大晉之休祥詔以

制幣告于太廟藏之天府

漢晉春秋云蒼石晉初馬象煥微如玉

樂志

靈之祥石瑞章旌金德出西方 唐志雜家孟衆張掖

元石圖一卷

選注引程荷說石圖

高堂隆元石圖一卷 魏氏春

秋曰青龍三年張掖刪丹縣金山元川溢涌寶石負圖

狀象靈龜立於川西有石馬七有玉匣上有玉字玉玦

二璜一麟鳳白虎犧牛又有若八卦列宿之象 張璠

傳青龍四年辛亥詔書張掖川溢寶石負圖蒼質素章
麟鳳龜馬煥炳成形高堂隆以為東序之世寶事班天
下璠曰此當今之變異而將來之符瑞也 魏都賦山
圖其石川形其實 搜神記魏之初興張掖柳谷有開
石馬始見於建安形成於黃初文備於太和周圍七尋
中高一仞蒼質素章龍馬麟鹿鳳凰仙人之象粲然咸
著魏晉代興之符也晉泰始三年焦勝圖上 唐五行

志石金類晉室之瑞

慶厯四年五月乙亥撫州金谿得生金山重三百二十四兩

晉臨平湖開

咸寧二年七月臨平湖自開父老相傳湖開天下平

晉金勝 金鐸

穆帝永和元年二月春穀民得金勝一長五寸狀如織勝明年平蜀建興二年十二月晉陵武進民得銅鐸五

枚 王廙傳晉陵有金鐸之瑞郭璞云必致中興 宋
志金勝國平盜賊四夷賓服則出 元嘉十九年九月
戊申廣陵出石鐘九口

唐德宗大曆十四年七月庚午詔王者所寶維賢邕州
奏金坑任人開採

宋河清頌

元嘉中

二十四年
二月戊戌

河濟俱清鮑照為河清頌云澄波崑

岳鏡流葱山泰階既平洪河既清大人在上區宇文明

張暢亦有頌 京房易傳曰河水清天下平 易乾
鑿度曰聖人受命瑞應先見於河河水先清 易坤靈
圖曰聖人受命瑞見于河 李康運命論黃河清而聖
人生

唐受瑞壇瑞石

地理志北都倉城中有受瑞壇唐初高祖使子元吉留
守獲瑞石有文曰李淵萬吉築壇祀以少牢 武德三
年五月郇州獻瑞石有文曰天子萬年

唐水清

會要武德元年七月新豐鸛鵒谷水清世傳此水清天下太平開皇初暫清復濁至是復清七年九月丹州言河水清 志大中八年正月陝州河清寶應元年九月甲午太州至陝州二百餘里河清澄澈見底

唐蒲州河清

五行志火沴水武德九年二月蒲州河清襄楷以為河諸侯象清陽明之效也 貞觀十六年正月懷州十七

年十二月鄭滑州二十三年四月靈州河清

唐河清

貞觀十四年陝州刺史房仁裕稱正月元日黃河載清
二月司空無忌等上表曰丹井輝奇青丘表異嘉苗合
穎天駟躡雲西鷦南雉之貢日至月書連珠涌醴之祥
雲飛霧集納渭含涇混流同潔凌門泐澤別派俱清馬
頰馳波詳觀若鏡龍門激箭回眺飛空千尋明澈俯映
玄珠一曲澄鮮遙觀翫貝十六年許敬宗表德水清

漪濁流澄鏡

唐景雲河清歌

貞觀十四年二月四日陝州言黃河清而有景雲見協
律郎張文收采古天馬作歌之義作景雲河清歌名曰燕

樂首元會第一奏是也

志十四年二月
陝州秦州河清

權德輿賀滑

州黃河清表澄澈如練淪漪成文

五行志永徽元年

正月濟州二年十二月衛州五年六月濟州調露

二年夏豐州開元二十五年五月戊寅淄棣州建

中四年五月乙巳滑濮州長慶元年靈州河清

詳見

上

唐涼州瑞石

紀貞觀十七年十一月壬午以涼州獲瑞石赦涼州

五行志貞觀十七年八月涼州昌松縣鴻池谷有石五

都督李襲譽表奏

青質白文成字八十八字

合百一十字

太宗遣使

祭之曰天有成命表瑞正石文字昭然歷數惟永旣旌

高廟之業又錫眇身之祚迨于皇太子治亦降禎符具

紀姓氏甫惟寡薄彌增寅懼 十月甲寅詔曰厚地降

祉正名表祥營翠色而流光發素質而成字十一月已

卯有事南郊讀謝天瑞文

上官儀有賀表

二十年十一月陝

州言有石成文曰李君王三字 開元十九年四月壬

辰河南登封縣石文舊有帝字新生上字

唐瑞鹽

會要武德七年閏七月十三日長安古城鹽渠水中生
鹽色紅白而味甘狀如方印大厯八年七月解縣安邑

兩池生乳鹽戶部侍郎韓滉請薦于清廟編之史冊從

之十二年十一月賜號寶應靈慶池

又地理志詳見池類

天寶

十載火尋獻黑鹽

宋朝祥符三年九月辛巳賜近臣

及館閣解池瑞鹽

陳堯叟所獻凡四十七百斤

夏竦進瑞鹽賦

太平興國瑞石

祥符神告帝統石

詩贊

太平興國四年九月癸巳嘉州得黑石二皆丹文絨其

石來獻

晏殊為贊曰輝煌丹文見于介石

七年三月辛酉舒州民柯萼

一作孫萼

於萬歲山得玄石有白文其文乃誌公所記以石來

獻祥符五年馮仁傑表言太祖後唐天成二年二月十六日降誕太宗丙子歲即位並符合閏十月丁丑車駕謁啓聖院太宗神御殿于龍圖閣取舒州石召從臣宣示云政和二年晉州確山得石文曰堯天正又左邊見一瑞字製天正堯瑞旗五年建明堂采石滎陽石有明字製文石旗

祥符河清

三年十一月庚子陝州言寶鼎縣河清遣官往祭羣臣

稱賀十二月二日三日再清庚戌上作七言詩晏殊上
河清頌 夏竦賦曰失洶涌之黃流湛清冷之素液銀
潢之影橫秋帝臺之漿映日將祀汾南為民祈穀大河
載清于陝之服豈比夫蘭葉朱文涌黃靈之錄芝泥玉
柙汎帝媯之圖 雍熙五年正月戊辰澶州言黃河清
二百里 淳化三年河清曲沔彼經瀆澄明鑑如清應
寶運光涵帝居洞分沈璧澈見游魚 景德三年河清
曲曰德水湯湯發源靈長皎鑒澄澈千年効祥 襄楷

曰春秋以來及古帝王未有河清唯京房易傳曰河水清天下平 國朝宰相上事判案三道一司天監壽星見二開封府嘉禾合穗三澶州黃河清並判准 紹興十四年六月甲辰准東漕臣言楚州鹽城於五月二十五日乙亥海水澄清宣付史館十五年撰滄海澄清曲醴泉

炎帝醴泉

宋志炎帝神農氏有聖德嘉禾生醴泉出 史記禹本

紀言河出崑崙其上有醴泉瑤池

堯醴泉

世紀堯時醴泉涌於山 禮緯神農作耒耜地應以醴

泉堯德匪懈醴泉出 中候帝堯即位七十載醴泉出

山俊人在官則醴泉出 援神契德至深泉則醴泉湧 宋志水

之精也甘美王者修理則出

漢醴泉

宣紀甘露二年春詔曰醴泉滂流枯槁榮茂 後紀光

武中元元年夏

宋志五月

醴泉湧出京師飲者痼疾皆愈明

帝永平十一年醴泉嘉禾所在出焉 列傳上林賦醴

泉涌於清室

師古曰瑞水味甘如醴

校獵賦上獵三靈之流下

決醴泉之滋

郊祀歌象載瑜云云飲榮泉

言泉有光華

魏醴泉

文帝初郡國二言醴泉出 文選魏都賦德連木理仁

挺芝草皓獸育數丹魚生沼商雲翔龍澤馬于阜山圖

其石川形其寶莫黑匪鳥三趾而來儀莫赤匪狐九尾

而自擾嘉穎離合以尊尊醴泉涌流而浩浩河洛開興
符命用出 景德殿賦醴泉涌於池圃注魏志曰延康
元年

唐醴泉 銘

會要天寶三載三月六日丙子武威郡

涼州

奏番禾縣嘉

瑞鄉天寶山有醴泉涌出石化為瑞麴取以食改縣為

天寶

志同

張九齡龍池頌靈泉云泌之洋洋其甘如醴

清德之鑑柔道之體

貞觀六年四月避暑九成宮已

亥西城高閣下有泉涌出承以石檻引為一渠清若鏡
甘如醴祕書監魏徵撰醴泉銘曰雜遘景福歲莖繁祉
雲氏龍官龜圖鳳紀日含五色鳥呈三趾頌不輟工筆
無停史流謙潤下潺湲皎潔萍旨醴甘水凝鏡徹用之
日新挹之無竭道隨時泰慶與泉流我后夕惕雖休勿
休人玩其華我取其寶還淳反本代文以質居高思墜
持滿戒溢九成即仁壽也欲太宗以隋為戒冊府元龜貞觀六年四月癸卯醴泉出丹霄殿之西
命公卿以上示之因置酒於側賜帛有差七年二月醴泉湧于絳州香溪痼

疾者飲之多愈十一年九月醴泉出 景雲二年十月
江州言神泉湧 開元二十二年十月丞相奏醴泉涌
三十三年五月丁卯蘭州有浪井出及醴泉滂湧 大
歷二年京兆尹李勉奏櫟陽縣醴泉涌出獨狐及賀表
云厚德載物與坤同符以善利人如水潤下后土獻瑞
靈源酌而不竭 常袞賀表無源獨湧平地滂流昔唐
堯至聖光武中興霈然發祥千載一覩 貞觀十八年
五月眉州言醴泉出

雍熙潤德泉

見地理

祥符醴泉

元年六月庚戌賜百官泰山醴泉十二月丁酉內出泰山玉女白龍王母池新醴泉賜輔臣

天禧醴泉

二年九月乙酉錢駿獻醴泉賦賜及第三年閏四月丁未醴泉出京師拱聖營上謂輔臣曰營卒初睹龜建

真武祠今泉出其側有疾者飲之多愈甲寅命王欽若

建觀名祥源

十月辛卯成仁宗
重建改為醴泉觀

爰有神泉湧茲福地

甘如飲醴美可蠲疴

寶玉

虞白環

文選景福殿賦翔岐陽之鳴鳳納虞氏之白環注世本

曰舜時西王母獻白環及佩

禹赤珪 東海玉珪

開山圖曰禹開宛委山得赤珪如日碧珪如月長一尺二寸又曰禹遊東海得玉珪碧色長一尺二寸圓如明月以自照注選公羊疏禮說宋氏云命以赤鳥故周尚赤湯以白狼故尚白禹以玄珪故尚黑穆天子傳已未天子大朝于黃之山乃披圖視典用觀天子之珪器曰天子之寶玉果璿珠燭銀黃金之膏

周瑞鼎

公羊注周家以世孝天瑞之鼎以助享祭 馬遷堯壇

鳳銜虞冊元后降祥於典午赤伏錫命於炎精蟲蠹成
文魚麟吐匣丹書集於昌戶綠錯薦於堯壇

漢祲祠玉寶明珠

郊祀志上自幸河東之明年正月鳳凰集祲祠於所集

處得玉寶

詳見器用類

伏無忌古今注章帝元和元年明

珠出館陶大如李有光耀三年明珠出豫章圍四寸八

分和帝永元五年鬱林得大珠圍五寸七分 禮斗威

儀君乘金而王則黃銀紫玉見

漢神鼎

柳宗元貞符漢用大度克懷于有氓茲其為符也妄臣
上引天光增以騶虞神鼎俾東之泰山石閭作大號謂
之封禪

晉玉冊神璽

元紀時有玉冊見于臨安白玉麒麟神璽出于江寧其
文曰長壽萬年日有重暈皆以為中興之象太興四年
二月鮮卑末波奉送皇帝信璽庚戌告于太廟乃受之

建武元年三月己酉丹陽江寧民虞由墾土得白麒麟
璽一紐文曰長壽萬年獻晉王

建興二年十月大將

軍劉琨掘地得玉璽使
參軍郎碩奉之歸京師

義熙十二年六月左衛兵陳

陽於東府前淮水中得玉璽一枚 元魏延和三年三

月獲玉璽一大曰皇帝璽太平真君七年四月戊子鄴

城得玉璽二其一刻曰漢傳國璽

晉玉鼎

成帝咸康八年九月廬江春穀縣得玉鼎一枚外圍四

寸

見器
用類

宋志玉甕不汲而滿王者清廉則出

唐玄珪

貞觀十五年七月洪州獻玄珪 後唐明宗時臨河縣
得玉杯有文曰傳國寶萬歲杯

唐定國寶玉

寶應元年建巳月壬子楚州獻定國寶玉十有三

詳見
器用

祥符寶珠

七年三月漳州龍溪得珠圓濶三寸七分中有小珠七
顆如七曜次如七曜者不可勝數守臣王冕表進曰皇

猷允塞天乃效祥聖德升聞地不藏寶有感必通無脛
而至熒煌外散於月華皎潔内含於星彩遐稽信史迥
殊照乘之光洞究祥經弗類媚川之色 珠至寶也王
者德至淵泉則出文鑑 宋志明月珠王者不盡介鱗之
物則出漢章帝元和中郡國獻明珠 禮斗威儀其政
平德至淵泉則江海出明珠

天禧玉印

元年七月辛丑澶州卒王貴獲玉印一

治平玉檢 元符 嘉定玉璽

治平元年閏五月二日耀州獲受命寶玉檢藏龍圖閣
元符元年五月戊申朔受玉璽 嘉定十四年表海
舊封請更印綬先朝寶璽來上闕庭明年正月御大慶
殿受寶 得玉印於咸陽哲廟成太平之治獻元璽於
興化高皇開再造之符

玉海卷一百九十六

欽定四庫全書

玉海卷一百九十七

宋 王應麟 撰

祥瑞

植物

瑞穀

神農嘉穀 朱木九穗 黃帝嘉禾 堯嘉禾

夏殷嘉禾

禮含文嘉神農就田作耨天應以嘉穀 拾遺記炎帝

教民耒耜百穀滋阜神芝發其色靈苗擢嘉穎朱章蔓

於階卿雲藹於岩

周書云神農時天雨粟

瑞應圖神農時雀銜

九穗朱禾墜地夏時嘉禾二本同秀殷時嘉禾同本異

秀其大盈車 徐整正歷曰黃帝時嘉禾為種 帝王

世紀堯時嘉禾孽於畝

詩含神霧曰堯時嘉禾莖三十五穗

晉中興休

祥說曰嘉禾者仁草也夏時異本同穎殷時同本異秀

周時三穎同秀 山海經帝之下都崑崙之墟有木禾

郭璞曰穀類也 後魏地形志羊頭山下神農泉北有
穀關即神農得嘉穀處 宋志王者德盛則二苗同秀
於周德三苗共穗於商德同本異穗於夏德異本同秀
管仲曰古之封禪鄒上泰北里禾以為盛 伊尹曰
元山之禾南海之秬不周之粟 孫氏瑞應圖嘉禾五
穀之長王者德茂則生

堯嘉種

詩生民誕后稷之穡有相之道誕降嘉種維秬維秠維

糜維芑傳秬黑黍秠一稊二米糜赤苗芑白苗箋云天
應堯之顯后稷故為之下嘉種 選張協七命曰大梁
之黍瓊山之禾唐稷播其根農帝嘗其華

周嘉禾 嘉穀

書序唐叔得禾異畝同穎獻諸天子王命唐叔歸周公
于東作歸禾周公既得命禾旅天子之命作嘉禾

漢書
引書

逸嘉禾篇曰周公奉鬯立于作
階 韓詩外傳三苗同一秀

史記唐叔得嘉穀獻

之成王 白虎通成王時有二苗異畝而生同為一穗

大幾盈車長幾充箱民有得而上之者成王訪周公而
問之公曰三苗為一穗天下當和為一乎果有越裳氏
重譯而來獻白雉 古文尚書一隴合為一穗 尚書
大傳三苗貫葉一作貫桑而生子為一穗周公曰和氣所生
以獻于文王之廟 瑞應圖三本同穗 孔叢子魏王
問子順曰上天神異后稷為之下嘉穀周遂以興 詩
屢豐年

周黃蓂 釐筴

選班固典引姬有素雉朱鳥元秬黃粳之事君臣動色
左右相趣亦有寵靈文武貽燕後昆注韓詩外傳貽我
嘉粳詩臣工於皇來牟將受厥明箋云赤鳥以牟麥
俱來思文貽我來牟帝命率育箋火流為鳥五至以

穀俱來

出泰誓

生民麻麥朦朧

劉向傳諸侯和於下

天應報於上故周頌曰降福穰穰又曰飴我釐麴釐麴
麥也始自天降此皆以和致和獲天助也廣韻稌麴
之年一麥二稌周受此瑞麥出埤蒼

周華泰

詩序華泰時和歲豐宜泰稷也 甫田曾孫之稼如茨
如梁曾孫之庾如坻如京乃求千斯倉乃求萬斯箱泰
稷稻梁農夫之慶 大田多稼 豐年多黍多稌 良
耜黍稷茂止穫之桎桎積之栗栗其崇如墉其比如櫛

漢嘉穀六穗 嘉穀元稷 嘉禾 秬秠

史記相如封禪書菓一莖六穗於庖

菓瑞禾也

頌曰嘉穀六

穗我穡曷蓄匪惟雨之又潤澤之 漢紀宣帝神爵元

年三月詔曰乃者元康四年嘉穀玄稷

黑粟也

降于郡國

古今注武帝建元四年天雨粟宣帝地節三年長安雨

黑粟元康四年雨黑黍王褒講德論甘露滋液嘉禾

櫛比後漢紀光武生於建平元年十二月是歲濟陽

縣界有嘉禾生一莖九穗因名曰秀明帝永平十一年

時麒麟白雉醴泉嘉禾所在出焉魯恭為中牟令建

初七年嘉禾生恭便坐廷中尹以檄勞曰物產之化流

行天降休瑞古今注和帝元年嘉禾生濟陰城陽一

莖九穗安帝延光二年六月九真言嘉禾生百十六本
七百六十八穗 秦彭為潁川大守有嘉禾之瑞 爾
雅秬一稊二米郭璞注漢和帝時任城生黑黍或三四實
實二米得黍三斛八斗 宋志漢元和中秬秠生郡國
秬鬯王者宗廟修則出

漢野穀旅生

紀建武二年初王莽末天下旱蝗黃金一斤易粟一斛
至於野穀旅生麻菽尤甚

旅寄也不因播種而生故曰
旅今字書作稽音呂古字通

建武五年野穀漸少田畝亦廣焉 論衡建武三十一年陳留雨穀穀形若苡而黑 宋慶厯六年十二月渠州言野穀魯生民饑之候也

漢嘉麥 嘉穀

建武中張堪為漁陽太守開稻田百姓歌曰桑無附枝麥穗兩岐張君為政樂不可支 南史齊東郡太守孟業得麥一莖五穗 宋志章帝元和中嘉麥嘉禾生郡國 章紀章和元年詔曰嘉穀滋生改元

云云元和四年見總瑞

類
典引嘉穀靈草應圖合謀

漢大有年

又見
食貨

紀永平九年大有年十年二月詔昔歲五穀登衍今茲
蠶麥善收其大赦十二年歲比登稔百姓殷富粟斛三
十牛羊被野 東京賦度秋豫以收成觀豐年之多稔
嘉田畷之匪懈行致賚于九扈所貴惟賢所寶惟穀

唐麟德二年大有年

春秋桓三年冬有年宣十六年冬大有年穀梁傳五穀

皆熟為大有年 公羊傳大有年何以書以喜書也有
年僅有年也大有年大豐年也

魏嘉禾

黃初元年郡國三言嘉禾生 曹植魏德論謳曰猗猗
嘉禾惟穀之精其洪盈箱協穗殊莖昔生周朝今植魏
庭獻之廟堂以昭祖靈 魏都賦雍丘之梁清流之稻
吳黃龍三年夏由拳野稻自生改禾興縣冬十月會
稽南始平言嘉禾生十二月改元嘉禾

晉嘉禾 嘉麥 宋嘉禾

宋志晉武太康四年十二月嘉禾生扶風雍五年七月

生豫章南昌太康八年閏三月生東夷校尉國九月生

東萊液十年六月嘉麥生扶風一莖四穗

又晉起居注武帝元帝世

嘉禾三生其莖七穗 義熙十三年嘉禾九穗 泰始八年十月瀘水胡玉獻嘉禾

晉志正旦

大會歌醴泉湧流中唐嘉禾生穗盈箱 應貞傳宴射

賦詩曰嘉禾重穎實莢載芬 宋元嘉二十二年六月

嘉禾生藉田一莖九穗二十四年七月乙卯嘉禾旅生

華林園及景陽山太尉江夏王義恭上嘉禾甘露頌昔
在放勲歷英數朝降及重華倚扇清庖 沈演之上嘉
禾頌 梁中大通三年蕭暎作嘉穀頌 元嘉二十三
年醴湖屯生嘉粟一莖九穗二十五年六月壬寅嘉禾
旅生華林園十株七百穗壬子嘉泰生藉田 大明元
年嘉禾生清暑殿鵲尾中一株六莖有贊

唐嘉麥

武德元年五月隴州獻嘉麥六月虞州獻嘉麥一莖六

穗八月永州獻嘉禾異畝同穎二年七月益州獻嘉禾
一莖六穗四年二月肅州獻嘉禾一莖五穎貞觀二年
六月長安獻嘉禾三年十二月潞州獻嘉禾景雲二年
六月洛州言兩岐麥玄宗先天二年八月懷州言嘉禾
四穗開元八年五月平原麥一莖兩岐分秀九年五月
絳州奏瑞麥七莖兩穗一莖四穗十二年六月乙巳河
南告成縣瑞麥生穗分岐一莖三秀十三年五月甲申
瑞麥生河南之壽安 舊紀貞觀五年五月戊辰宋州

麥一莖九岐者百餘本三年閏五月戊午陝號李泌獻
瑞麥一莖五穗任爰瑞麥賦隴麥登芳芄芄于野漸
漸其秀將嗣穀以登年豈凌霜而不茂高敷庭賦芒
纖纖而擢隴葉青青而聳翠凌玉霜而表勁挺金莖而
孤直實穎實粟是崇是奉含實珠淨耀芒鋒起詩
稱沫北歌述漁陽崔融賀嘉麥表纖芒濯露香稼拙
風降之自天何必來牟之詠嘗之于廟先符孟夏之時
一穗兩岐徒說張君之詠十畝千石方輕汜氏之書

郭子儀奏瑞禾云天啓興王瑞先百穀故漢稱雨粟周

頌來年

至德二年七月朔方

許敬宗麥秋賦應制對銀縑而偶

穠並金縷而分芒

唐穠稻 再熟稻

紀開元十九年是歲揚州穠稻生

九月乙未任丘嘉禾生庚申永康一莖五

穗

會要開元十九年四月一日

已卯揚州奏穠生稻二

百一十五頃再熟稻一千八百頃其粒並與常稻無異

代宗永泰元年夏蓋屋穗麥生 滄州魯城乾符元年

生野稻水穀二千餘頃 林邑國稻歲再熟

唐潞州嘉禾合穗

見十九瑞

唐豫州嘉禾 嘉禾圖

乾元元年五月十九日代宗立為皇太子生之歲

開元十四

年十月十三日生 豫州獻嘉禾於是以為祥更名豫

十月五日更名

會要元和七年十一月梓州言

東川潘孟陽奏

龍州界

武安縣

嘉

禾生有麟食之每來一鹿引之羣鹿隨之使畫工就圖

之并嘉禾一函以獻 柳宗元賀幽州華州嘉禾圖表
六穗稱於漢臣異畝書於周典貞元二十一年七月又
賀劔南成都進嘉禾圖陝州紫芝草表獻於王庭唐叔
慙同穎之異薦諸郊廟班史謝連葉之奇既呈疑疑之
祥更覩煌煌之秀 潘炎嘉禾合穗賦雙米一桴孤莖
六穗 韓愈奏汴州嘉禾云兩根並植一穗連房 獨
孤及賀潞州芝草嘉禾表庶政方又二瑞薦臻唐叔之
獻齊房之歌古今同契

唐瑞粟

會要太和二年福建進瑞粟一十莖中書門下奏伏以
陛下勤求理本澄清化源不以靈芝白鳥為瑞應方將
時安人和為嘉祥宸翰照宣睿情斯屬請自今祥瑞但
申有司更不令進獻依奏大中二年七月十六日福建觀
察使殷儼進瑞粟十二莖莖有五六穗

乾德禾九穗圖

乾德二年十二月乙卯睢州進禾生九穗圖

乾德嘉禾

乾德四年京兆果州進嘉禾十月十九日和峴請作嘉

禾等曲

見樂章

乾德兩岐麥

乾德四年五月五日己巳耀州貢兩岐麥乙亥開封府

貢庚辰單州貢壬午澶州貢麥兩岐至六岐者凡一百

七十五本

製瑞麥旗

雍熙二年五月壬戌亳州獻兩岐秀

麥

太平興國嘉禾

瑞麥

雍熙嘉禾詩

淳化

嘉禾合穗圖

興國三年八月壬戌眉州言嘉禾生滑州言黃河清十月甲子荆南言江陵縣稻再熟五年正月癸未歙州言稻再熟八年九月庚辰梓州奏禾一莖五十七穗畫圖以獻雍熙三年十月辛丑益州貢禾一莖九穗興國九年諸州瑞麥兩穗三穗者連歲來上有司請為瑞麥曲薦于廟七年九月己亥滑州奏嘉禾一莖四穗雍

熙三年九月簡州奏禾一根二莖其穗或八或九四年
九月辛酉朔濰州進嘉禾御製嘉禾合穗五七言詩二
首賜宰相李昉等淳化三年九月乙卯潞州言嘉禾異
隴合穗圖以獻詔示近臣至道元年七月癸酉眉州言
嘉禾一莖二十四穗

淳化瑞麥圖

五年五月壬子亳州獻瑞麥圖有分四歧三歧兩歧者
九月庚戌朔磁州言嘉禾合穗畫圖來獻以示近臣

淳化

元年十月丙寅閏
州言麥秀兩歧

至道二年七月己亥朔綿州言麥秀

兩歧十二月丙午處州言稻再熟

至道瑞麥圖

至道三年真宗即位五月甲戌壽州貢綠龜又上瑞麥
一本百枝五穗圖丙戌合州獻麥兩穗圖丁亥黃州獻
麥兩歧圖咸平四年五月己亥亳州言麥一莖兩穗
六月戊午益州言麥秀兩歧祥符二年七月乙丑梓州
言甘露降麥五歧三年六月戊申朔同州言麥五歧七

月癸未原州言木連理麥四歧四年七月己亥光州言
麥八歧九年五月辛未施州言麥兩歧 天禧三年四
月壬寅製玉宸殿觀瑞麥七言詩賜近臣五月辛巳開
封言麥一莖兩穗

咸平嘉禾 景德嘉禾圖 祥符嘉禾圖 嘉

穀詩

咸平元年七月戊寅遣中使持後苑嘉禾一莖二十四
穗示輔臣丙戌雅州言禾一莖十七穗二年九月壬寅

徐州言禾一莖五穗戊申梓州禾一莖九穗十月辛亥
洺州嘉禾合穗景德元年正月乙未趙州獻嘉禾合穗
圖四年十月己亥廣成軍上嘉禾芝草圖九月乙酉衛
州戊子德州獻嘉禾圖 祥符元年十月壬辰嘉州言
禾九穗木連理三年十月己酉嵐州言嘉禾合穗四年
十一月辛未隰州言異畝同穎六年七月己未召輔臣
觀粟于後苑有一本七穗至二十四穗者復閱御書及
嘉禾圖上作嘉穀詩賜近臣

是日皇太子從游

八月甲子出後

園嘉穀圖示近臣

翌日朝堂
示百官

夏竦和嘉穀詩瓊粒蕃

滋龍枝屈曲搖風秀色交卿霽垂穎餘光近帝星
東極龍枝環丘玉粒進瑞稻圖狀初擢一莖異劉
欽之界內乍分三穗疑蔡茂之夢中維揚昔日
追媿穠生南海遐方遙慚九熟禾遜奇於同穎麥
貽誚於兩岐掩周祖之維糜陋漢宣之靈稷天孫
助祭願陪北里之禾清廟薦新敢繼神倉之穀
景祐三年九月榮州言禾一莖九穗慶厯二年八月已

亥河南府言壽安縣嘉禾合穗皇祐五年三月資州言
嘉禾一莖九穗及甘露降熙寧八年七月禮部言定州
穀五隴合一穗成德軍嘉禾合穗九年七月又言渠州
粟一苗九穗忠武軍麥秀兩歧鳳翔二縣一枝六穗火
山軍深忻濱州嘉禾合穗元豐二年十一月袁州粟一
莖八穗至十一穗三年齊州禾一莖五穗睢州九穗越
州二本合穗大觀四年九月右相張商英言袁州產瑞
禾高踰九尺分布七穗上瑞禾圖宋大雅十有二章詩

曰彼修者禾相臣報上也請畫瑞禾於中書省壁辛卯從之

祥符嘉禾合穗

九年八月壬午大名府言嘉禾合穗是夜老人星見于丙九月壬戌永靜軍言禾異壠合穗八年六月癸卯眉州言禾一本九穗七月乙丑邛州言禾一莖九穗

祥符蠶麥順成詩 天禧稼穡倍登詩

見御詩

天禧嘉穀圖 玉宸殿瑞穀圖

見御詩

天禧二年十月辛丑資州言禾一莖九穗三年七月癸

酉益州貢嘉穀一莖九穗圖庚申深州言嘉禾異畝同

穎四年七月辛酉召宗室近臣及寇準等觀內苑嘉穀

宴玉宸殿八月戊戌出瑞穀圖示輔臣作歌 天禧元

年七月丁巳渠州言禾一莖九穗 天聖八年八月丁

亥六日詔輔臣兩制元真殿觀瑞穀賜宴蔬珠殿

天聖 皇祐瑞麥圖

天聖六年六月陳州獻瑞麥圖兩歧共秀命兩制館閣

賦詩

五月陳州言瑞麥一莖二十穗

皇祐三年五月辛亥眉州彭山

縣上瑞麥圖凡一莖五穗者數十本上曰朕比禁四方
無獻瑞物今得西川麥秀圖可謂真瑞矣賜田夫束帛
以勸之六月丁亥無為獻芝草上曰朕以豐年為瑞賢
人為寶至於草木魚蟲之異焉足尚哉自今毋得以聞
五年六月資州言麥秀兩歧嘉祐三年六月綿州言麥
一穗兩歧七月泰州進瑞麥圖一本百穗 伊闕之野

有麥稔合幹上飛白瑞麥字賜守臣 宋祁陳州瑞麥
賦冠三輔之上者莫邇於陳接五穀之乏者孰先於麥
當乘離之令序挺降筵之瑞殖盛氣雲鬱混鱗隰之初
霏密穗金繁動星田之霽色兩岐旁秀六穗牙出厥華
芄芃厥穎粟粟田畯奔告守臣駭觀佯來以圖悉上送
官它穀弗書示麥禾之最重吾王攸助知稼穡之惟艱
沫北爰采罔劭乎力農關中益種無聞於錫祉詎若天
極歸貺明神效異偕蕃椒之盈升配命禾而合穗迎層

宙之休氣冠中田之嘉穀績我於瑞圖辨我於凡菽蒙
至尊之渥惠播頌聲於弦次上可以薦清廟之馨品下
可以助外饗之食劑

景祐稻再熟

元年十月安州稻再熟成德軍言禾一本九穗

紹興瑞粟 嘉禾 瑞麥

十四年八月撫州臨川產瑞粟一本十九穗一本九穗
一本八穗詔付史館十二月朔潼州獻嘉禾一莖九穗

者二

十五年作瑞粟呈祥之曲有嘉生駢穗之句

十五年正月二日戊申瀘

南獻嘉禾九穗十九年四月台州寧海生瑞麥一本兩穗二十五年郊赦文云靈芝連葉於廟柱昭朝饗之孝祥嘉禾合穎於甸郊備染盛之潔薦

景定御製嘉禾嘉粟詩

四年九月昌化縣進嘉禾嘉粟御製詩賜宰臣曰一德交孚協兩儀嘉禾嘉粟獻珍奇祥呈屬邑信非偶瑞應明裡若有期周紀唐封生秀穎漢歌郊廟產靈芝何如

近在王畿內慶典珍符萃一時 祥符元年諸路大稔

米斗七八錢 天聖六年十一月京西言穀斗十

錢 慶厯八年廬州合肥縣稻再實 祥符六年

十月甲子亳州太清宮枯檜再生真源縣菽麥再

實上作歌示近臣八年八月庚寅知汝州楊億言

粟一本至四十穗 宋祁大有年頌

春三言夏七言
秋九言冬六言

劉光世奏枯桔生穗高宗斥之曰軍中有十萬鐵騎乃
為祥瑞其他皆不足信 宋祁代進親稼殿新稻儀鳳

閭雙竹詩表一禾實穎準歲取之且千衆節共苞示世
支之維百 芒芒其稼參參其穡堯禾五尺漢苗九穗
含滋發馨素穎玉銳 八月其穫乃登爾稼滯穗棲
原餘糧厭野 異畝同穎一桴二米 紛十穗於唐禾
粳六歧於溫麥 廣文王之聲芑生豐水誕后稷之穡
秬降有郇

瑞木 竹

漢白麟奇木 木枝內附

終軍傳武帝異其文拜謁者從上幸雍祠五時獲白麟
一角而五蹄時又得奇木其枝旁出輒復合於木上上
異此二物博謀羣臣軍上對曰垂聖恩於勒成奉燔瘞
於郊宮獻享之精交神積和之氣塞明而異獸來獲宜
矣今郊祀未見於神祇而獲獸以饋此天所以示饗也
宜因昭時令日改定告元苴白茅於江淮發嘉號於營
丘以應緝熙使著事者有紀焉今野獸并角明同本也
衆枝內附示無外也若此之應將有解編髮削左衽襲

冠帶要衣裳而蒙化者對奏上異之由是改元為元狩
後數月越地及匈奴名王有率衆來降者時皆以軍言
為中 明紀永平十七年本枝內附五月朝堂上壽注
內附謂木連理也 西都賦神木叢生 洞冥記太初
二年東方朔從西那國得風聲木十枚實如細珠風吹
枝如玉聲曰縉雲之世生於阿閣 京房易傳木同本
異枝其君有慶鄰邑來附者吉

漢木連理

章帝元和中木連理生郡國 安帝元初三年正月丁

丑東平陵上言木連理延光三年七月潁川上言木連

理 東觀記延和三年衛縣定陵縣木連理 宋志延

光三年七月左馮翊有木連理王者德澤純洽八方合

為一則木連理生 孝經援神契德至草木則木連理

朱草生

中興書云王者德澤浹洽八方大同則木連理

賓連

木名 白虎通王者繼嗣平明則賓連生於戶闕達生

於房

連累相承
象繼嗣也

瑞應圖男女有別則生於房 宋志

賓連闊達生於房室王者御后妃有節則生 梁元帝

玄覽賦天不愛道地不愛寶賓連紕達華平朱草 李

德裕瑞橘賦葩朱草與屈軼耀紕芝與賓連

闊達

瑞應圖男女有別則生於房一名連達

餘見前

平露

木名 瑞應圖政平則生 白虎通王者使賢不肖位

不相踰

官位得人

則平露生庭狀如葢政平則正不平則傾

一名平慮

宋志平露如葢以察四方之政其國不平

則隨方而傾

文苑英華平露賦不窺於牖可以辨百

僚之賢不下于堂可以觀四方之政平以表太平之時

露以彰雨露之澤薦祉彤庭合榮紫殿亭亭莖擢的的

規圓偶香階之葢莢對玉戶之賓連似能存於明戒豈

獨效於休祥又賦云或政有所缺道有未光則低枝傾

葢應事知方

沈封指佞草賦云平露之傾葉知方

紫脫

瑞應圖王者仁義行則生 禮斗威儀君乘木而王政
太平蔓竹紫脫為之常生 選王元長序紫脫華注禮
斗威儀曰人君乘土而王其政太平則遠方神獻紫脫
宋均注北方物也

淮南子若木在建木西其華照下地未有十日 山海
經少室山有木其枝五衢南山之首山有木其華四照
湯谷有扶木九日居下枝一日居上枝十日所浴 蹇

弱水之九衢翫密山之五色 迷穀四照之異文玉五色之奇 穆天子傳天子觀姑繇之木注大木也

漢華平

文選東京賦植華平於春圃薛綜注華平瑞木也天下平其華則平有不平處其華則向其方傾李善曰孝經援神契曰德至於地則華平盛瑞應圖曰木名 藝文類聚東觀漢記曰章帝元和二年芝英華平日月不絕載於史官不可勝紀 冊府元龜自元和二年至章和

元年華平見郡國 宋志其枝正平王者有德則生德

剛則仰德弱則低漢元和中生郡國 瑞應圖其枝平

王者政令均則生 類要天子孝德屬於四海故有華

平

瑞應圖以
雙蓮為華

梁簡文南郊頌散脫神草華平瑞芝

唐貞觀十七年五月雍州獻三足鳥已未湖州言甘露

降潤州言慶雲見華平出於玄武門之池 顏師古聖

德頌華平挺幹朱草曜芒 楊雄傳甘泉賦注如淳曰

并聞其葉隨時政政平則平政不平則傾師古曰如氏

所說自是平慮耳 吳淑事類草賦云冀英屈軼之祥
濶達華平之瑞

漢孝竹頌

見頌類 今慈竹也

魏連理木

文帝紀注連理之木同心之瓜五采之魚珍祥瑞物雜
沓其間 魏都賦德連木理仁挺芝草 延康元年木
連理芝草生於樂平郡黃初初郡國二言木連理

晉木連理

宋志晉武泰始元年十二月至太康十年十一月木連

理二十八

干寶記咸寧三年至太康元年木連理心生

泰始二年六月壬

申嘉柰一蒂十實生酒泉 成帝咸和六年庾亮獻嘉

橘一蒂十二實 宋孝武大明中芳香琴堂雙橘連理

改連理堂 湛方生木連理頌同根連柯本支俱昌

晉元帝太興三年十一月木連理生零陵 孝武太元

十九年正月丁亥華林園延賢堂西北李連理 隋志

木連理頌二卷晉太元十九年羣臣上

宋珊瑚連理

大明七年正月己酉珊瑚連理生鬱林 珊瑚鈎王者

恭信則見

唐玉華宮木連理

武德二年二月涪州言李連理貞觀十八年十月八日

山南獻木連理交錯玲瓏有同羅木目一丈之幹並并

枝者二十餘所二十一年正月玉華宮李木連理隔澗

合枝

一云二十二年

常袞賀太清宮連理柰云必有削衽之

類亦表強幹之休

潘炎李連理賦族茂宗榮盤枝合

理 陳諷連理木賦靈根得地聳質齊芳分條表異合

幹呈祥膚含玉潤文蔚龍章雲交翼壯影附枝強晉得

華材漢生廣殿 韓愈河中府連理木頌

唐太原甘棠連理

開元十一年正月幸北都紀功太原府之南街有連理

李及連理甘棠生於太原縣 權德輿賀連理棠云珍

木敷榮異根合幹

潞州李連理

見十
九瑞

許州棠連理

上官說進圖柳
宗元有賀表

唐瑞木

大曆十二年五月甲子成都人郭遠獲瑞木一莖有文
曰天下太平四字獻之宰臣奏賀曰至德之化先貢草
木太平之時遂形文字望藏秘閣付史館 葉鏤五衢
榮分四照 交屈軼友賓連 潤商露劉祥風 枝以
萬年為名木以五衢稱瑞 平慮羅植於階祀朱草叢

生於庭雷 崔融表開陽門之肇建飛柱潛移太極殿
之初營浮梁遠至

唐瑞橘

李德裕瑞橘賦序曰漢武致石榴於異國靈根遐布此
西域柔服之應魏武植朱橘於崔園華實不就乃吳人
未格之兆 天寶十載九月宮柑結實與江劍無殊

李嶠賀靈桃四實共蒂又賀瑞桃云漢宮留核衛國報
瓊 梁元帝詠連理木云江浦同心橘上苑合歡枝

唐瑞柳

建中末中書省有枯柳德宗自梁還復榮茂人以為瑞

柳禮侍呂渭令貢士賦之

貞元十三年丁丑
試西掖瑞柳賦

漢書仆

柳起於上林而宣帝即位

乾德瑞木成文

乾德六年和峴言國朝合州進瑞木成文者合播在管
絃薦於郊廟詔峴作瑞木等樂章

開寶木連理圖 祥符崇政殿龍圖閣瑞木

慶厯紹興瑞木

卷一百一十七

開寶五年三月眉州木連理畫圖來獻六月癸丑和州
木連理畫圖來獻興國二年十月壬申鄆州言平陰縣
柞木連理五年十月丙申資州言梅青桐二木合成連
理九年七月癸酉鳳翔奏青楊木連理景德元年四月
己巳萊州獻木連理圖四年三月丙辰德州言棠榆二
木連理祥符元年撰瑞木曲六月乙卯出並蒂瓜桃
示輔臣二年五月丙寅召近臣崇政殿觀瑞物百餘種

凡瑞木十有三三年八月甲寅召近臣觀瑞木於龍圖

閣

有文字者有佛手蛇形北斗七星形者各一

十月戊申開封言尉氏木連

理

楊侃賦爰有仁木應乎嘉瑞二宗合生雙榆連理良宰畫圖大尹奏異

五年十一月戊

申襄州言瑞木有文如龍魚鳳鶴之狀 天聖元年二

月河陽柳二本連理 慶厯三年十二月澧州獻瑞木

有文曰太平之道

隸書四字

詔送史館劉敞作頌曰上天之

載兮無臭無聲眷我聖德兮告以太平非筆非墨兮自

然而成

木仁也所以明天子之仁河圖洛書與今之瑞木皆文字顯明者也

諫官歐陽修

請詔天下毋獻祥瑞從之 元豐三年唐州甘棠木連
理 紹興十四年四月六日虔州言木柱內有天下太
平年五字詔送史館十五年作瑞木成文曲 厚坤效
珍嘉木紀瑞

端拱合歡木圖 祥符連理槐栢詩 槐杏連

理圖

端拱元年八月辛巳廣州言清遠縣有合歡木高百餘
尺今年三月十日有鳳高六尺栖集其上衆禽從之木

下生芝草三莖畫圖來獻

二年十二月辛亥舒州得瑞木文成大吉二字以獻

順

五事則木得其宜惟一德則動罔不吉

祥符六年三月丙申宴後苑詔

從臣觀苑中連理槐屏風連理栢丁酉上作五七言詩

二首賜近臣和

二月丁卯清心殿宜聖東殿園木連理上作七言詩二首賜近臣夏竦和御製

太清樓屏風栢連理詩云非煙結翠滴露凝華雍熙初温州進瑞木成文魏宸作詩賦以獻

咸平

二年十月癸酉商州貢連理木圖 祥符二年正月丁

巳朔出昭應宮瑞木斷之有文如點漆體若梵書四年

三月甲申幸西京應天院觀院之連理木五年四月甲

辰瑞聖園槐杏連理繪圖以示輔臣 爰有嘉木含章

自天宛成洛畫絜若奎躔珍符顯著靈意昭宣永告洪

業時萬斯年

天聖七年
瑞木曲

匪刻匪彫具文見意三登太

平允協聖治

紹興十五年
年瑞木曲

直榦旁合繁枝內附四夷賓

將耀我王度

祥符元年晏
殊連理木贊

化洽八方之占仁及庶類

之應

祥符木連理

九年七月丁未信州言甘棠連理八月己卯鄧州言木

連理天禧元年正月丙寅韶州獻瑞木文曰天下太平
三年十月丙戌宗正寺言太廟杏連理

景德瑞竹圖 景祐 皇祐 瑞竹 頌 賦

景德四年十一月庚申蓬州上麥秀兩歧瑞竹二圖

祥符

元年十二月庚寅溫州獻瑞竹靈芝圖

祥符九年正月癸亥蜀州獻合

歡竹圖景祐二年六月十九日辛未幸後苑觀稻賞瑞

竹宴太清樓十一月榮州言竹一本上分兩歧

天聖九年七月

永康軍青城生雙竹一本十一月榮州言瑞竹生

皇祐三年三月二十二日

甲戌召輔臣兩制館閣官觀後苑瑞竹其竹一本兩莖
退多為賦頌以獻

宗室克緒
獻瑞竹頌

是年後苑產雙竹召從臣

與觀皆賦詩頌美宋祁獻賦曰彼神苑之嘉竹挺雙箇
而呈美交繁枝之蕭森等密葉焉葱翠遂並節以自高
乃聯莖而告瑞梢紺纁以儷脩幹綠玉而均直既內附
以無外蓋不孤而有德詔飛綵以榮觀列佩荷以賦詩
若曰所以蒼筤將兆慶乎震維雙者最多且繁衍乎本
支一以為羣情協恭一以為四表共規願裁管乎伶倫

期汗簡於良史 胡宿後苑觀雙竹詩瑞植昭天產祥

枝感帝臨均承元化力同抱歲寒心蒙潤非煙近含滋

御水深又代謝瑞竹圖表翠本交枝駢生禁園鈿軸爭

鮮青玕對聳慶昭繇猗瑞等并柯 劉敞瑞竹詩應將

古人比孤竹君夷齊 毛滂雙竹贊惟此君子雲儀玉

骨勁秀有節空洞無物姿傲水霜韻含風月冲和所被

疎簡亦合蒼龍並躍丹鳳和鳴雲日下臨風雪莫悴天

光玉色俯照寒翠 乾道元年七月三日池州守魯

答以圖上瑞竹罷 唐王勃慈竹賦疊幹龍廻攢

根鳳跂宗生族茂天長地久萬抵爭盤千株競糾
如母子之鈎帶似閨門之悌友恐孤秀而成危每
羣居而自守何美名之大屬而和氣之冥受不背
仁以貪地不藏節以遁時 李嶠賀瑞筍表綠籜
含霜紫苞承雪陵九冬而摧穎冒重陰而發翠

陳子昂賀慈竹再生表 晉江道竹賦含虛中以象道
體圓質以儀天 戴凱之竹譜曰竹之別類有六十一

選注引
竹譜

治平木成文

四年六月知汀州周約進桐板二片其木成文有天下
太平四字詔獎諭付史館

光堯御製盤松贊

天錫瑞木得自欽岑枝蟠數萬幹不倍尋怒騰龍勢靜
奏琴音凌寒鬱茂當暑陰森封以腴壤邇以碧潯越千

萬年以慰我心

游湖園獲奇
松植禁苑

瑞草芝

炎帝朱草丹萐

拾遺記炎帝教民耒耜百穀滋阜朱草蔓於階

見瑞穀

聖

德所感陸地丹萐駢生如葢香露滴漉下流成池因為

蓼龍之圃黃帝有石渠一莖百葉千年一花周穆王時

西王母進崑崙素蓮一房百子凌冬而茂白虎通德

至草木朱草生朱草赤草也可以染絳別尊卑也文

苑英華朱草合朔賦月始而生月虧而落或產水涯或

生岩側布赤葉之精練挺朱柯之翕絕既周復而莫窮
與乾坤而不極瑞不慙於莫莢珍豈遜夫靈芝 選注
尚書大傳曰德先地序則朱草生 古瑞命記王者慈
仁則芝生神農論芝云山川雲雨四時五行陰陽晝夜
之精以生五色神芝為聖王休祥

黃帝屈軼草

又見後

宋志黃帝羣瑞畢臻有屈軼之草生於庭佞人入朝則
草指之是以佞人不敢進 又博物志 唐書惟袁與薛人中

屈軼

黃帝神芝圖

水經注大騄即具茨山也黃帝登具茨之山受神芝圖
於黃蓋童子即是山也黃帝內傳王母遣仙人歌萬
年長生之曲授帝以石函玉笈之書會閭風瑤池之上
授神芝圖十二卷

堯朱草

帝王世紀堯時景星曜甘露降朱草生於郊鳳凰止於

庭嘉禾孳於畝醴泉湧於山 大戴禮明堂篇朱草日
生一葉至十五日生十五葉十六日一葉落終而復始
漢書制曰上古至治嘉禾興朱草生

堯萋蒲

說文萋蒲瑞草也堯時生於庖厨扇暑而涼 宋志萋
蒲狀如蓬大枝葉小根根如絲轉而成風殺蠅堯時生
於厨又曰厨中自生肉其薄如萋搖動則風生食物寒
而不臭名萋脯 白虎通萋蒲木名王者孝道至則出

庖厨其葉大於門扇不搖自扇

春秋潛潭巴曰君和則擊于庖厨

瑞

應圖一名倚蕙倚扇賓閭舜時生於厨

論衡儒者言

蕙脯生於庖厨厨中自生肉脯薄如蕙形搖鼓生風寒

涼食物

堯蓂莢

歷草

舜蓂莢

帝王世紀堯時有草夾階而生月朔旦生一莢月半生

畢十六日後落一莢月晦而盡若月小餘一莢焦而不

落王者占歷一名歷莢一名靈節 選王融曲水詩序

佞枝植厯草孽注田俅子曰黃帝時有草生於庭階若
佞人入朝則草指之名曰屈軼是以佞人不敢進又曰
堯為天子冀莢生於庭為帝成厯尚書帝命驗曰舜受
命冀莢孽東京賦海內同悅曰吁漢帝之德侯其禕而
蓋冀莢為難時也故曠世而不覲惟我后能植之以至
和平方當數諸朝階注冀莢瑞應之草王者賢聖太平
和氣之所生生於階下始一日生一莢至月半生十五
莢十六落一莢至晦而盡小月則一莢厭不落王者以

知月之大小

張衡轉瑞輪
莫莢於階下

宋志莫莢一名歷莢堯時

生階舜即位莫莢生於階 瑞應圖一名莫莢堯時生

又曰舜時夾階而生葉圓而五色

徐整三五歷曰黃
帝時莫莢為歷

抱朴子堯觀莫莢以知月 孝經緯上古莫莢生於階

取以調味德及於地嘉禾生莫莢起秬鬯出 集韻節

莫莢實

堯指佞草

梁肅指佞草賦體嘉生於浩氣秉直道於彤庭昔在堯

帝至化惟馨伊屈軼之芳正協王猷與國經風力論道
禹咎陳謬瑞草在前疇敢以諛 沈封賦惡佞允叶於
聖心 鄭轅賦翠影如植靈草無心以聖人為心得詩
人之無邪行孔門之遠佞如執法之不回奉直道而自
必 論衡儒者言太平之時屈軼生於庭之末若草之
狀主指佞人

周蓂莢

周頌正義中候摘雒戒云曰若稽古周公旦欽惟皇天

順踐祚即攝七年鸞鳳見蓂莢生青龍銜甲元龜背書

宋志周公即攝七年鳳凰見蓂莢生白虎通歷日

得其分度則蓂莢生於階間

木名也

呂諲賦承榮金殿

旁沾三露之滋每奉玉階上陰五雲之施 論語摘輔

象照景飲醴蓂莢為歷

漢甘泉九莖芝

武紀元封二年夏四月作甘泉通天臺六月詔曰甘泉

宮中產芝九莖連葉上帝博臨不異下房賜朕洪休

如淳

曰瑞應圖云王者敬事者
老不失故舊則芝草生

其赦天下賜雲陽都百戶牛

酒作芝房之歌

禮樂志郊祀歌齊房十三元封二年

芝生甘泉齊房作齊房產草九莖連葉宮童效異披圖

按諫元氣之精回復此都蔓蔓日茂芝成靈華 漢舊

儀芝有九莖金色綠葉朱實夜有光乃作芝房之歌

西京賦濯靈芝於朱柯

漢函德殿金芝

宣紀神爵元年三月詔曰乃元康四年嘉穀玄稷降于

郡國金芝九莖產於函德殿銅池中

詳見神魚舞河

注金芝色

象金也銅池承雷也以銅為之 中黃藏府之傳函德
銅池之美 甘泉歌美函德書奇

漢芝英

漢志神仙家有黃帝雜子芝菌十八卷注服餌芝菌之
法 隋志芝英圖一卷 唐志芝草圖一卷 孫綽賦
五芝含秀而晨敷注本草經赤芝一名丹芝黃芝一名
金白芝一名玉黑芝一名玄黓芝一名木芝 宋志芝

草王者慈仁則生芝英王親敬耆老養有道則生漢章
帝元和中芝英生郡國春秋繁露搖光得則出玄芝

太玄黃菌不誕俟于慶雲注黃菌靈芝也

神農本草經生於五

嶽者漢武宣世始見之先秦之世未有稱述芝草

漢分枝荷

拾遺記黃圖昭帝始元元年穿琳池中植分枝荷一莖
四葉狀如駢蓋日照則葉低陰根莖若葵之衛足名曰
低光荷實如玄珠可以飾佩昭帝游柳池有芙蓉紫

色大如斗蓮實如珠 靈帝渠中植蓮大如蓋長一丈
南國所獻其葉夜舒晝卷一莖有四蓮叢生名曰夜舒
荷亦曰望舒荷 唐崔融賀千葉瑞蓮表綠裏紅葩綳
莖素萼

漢朱草

光武紀中元元年夏京師醴泉涌出飲之者痼疾皆愈
又有赤草生於水涯 赤草朱草也 郡國頻上甘露羣臣

宋志五月

奏言地祇靈應而朱草萌生

孝經援神契曰德至草木則朱草生

孝宣皇

帝每有嘉瑞輒以改元神爵五鳳甘露黃龍列為年紀
蓋以感致神祇表彰德信是以化致升平稱為中興今
天下清寧靈物仍降陛下誠存損挹推而不居豈可使
祥符顯慶沒而無聞宜令太史撰集以傳來世帝不納
常自謙無德郡國所上輒抑而不當故史官罕得紀焉
東京賦豐朱草於中唐注抱朴子朱草長三尺枝葉
皆赤莖似珊瑚中唐中庭也 宋志章帝元和中朱草
生郡國朱草草之精也世有聖人之德則生 魏文帝

黃初元年十一月朱草生文昌殿

曹植文帝諫曰靈芝冒沼朱華陰渚王融

序朱英秀朱

草亦曰朱英

宋元嘉十一年朱草生蜀郡

禮樂志

安世房中歌都荔遂芳窠桂華

注都良薜荔

屋流赤羽

野秀朱萌泥金可驗于幽經染絳用華於皇帝萍實相

輝珊枝對聳

朱草

漢芝草 紫芝

後紀明帝永平十七年春芝草生殿前五月羣臣上壽

章帝建初三年零陵獻芝草

論衡零陵泉陵縣生芝五本莖葉紫蓋紫也太守

沈豐獻之 零陵泉陵女子傳寧宅土中生芝草五本
長者尺四五寸短者七八寸莖葉紫黑色蓋紫芝也太守
沈豐遣門下掾衍盛奉獻詔示天下五年泉陵男
子周服宅上六本狀如三年芝并前凡十一本 五年

零陵獻芝草

又芝生潁川

桓帝建和元年四月芝草生中

黃藏府

靈帝光和四年二月郡國上芝英 古今注

章帝元和二年芝生沛 論衡十二芝累生

漢嘉瓜

宋志漢章帝元和中嘉瓜生郡國 安帝元初三年三

月東平陵有瓜異處共生八瓜同蒂

五行志有瓜異本共生一瓜同蒂時

以為
嘉瓜

晉太康三年六月嘉瓜異體同蒂生洛陽八年

嘉瓜二莖一實咸寧中嘉瓜同蒂生成都太康元年十

二月戊子嘉瓠生寧州

漢瑞輪莢英

見渾天儀 東京賦

見上

漢靈芝歌 魏靈芝

班固頌漢論功歌詩靈芝歌曰因露寢兮產靈芝象三

德兮瑞應圖延壽命兮光此都 宋樂志曹植靈芝篇

靈芝生玉地朱草被洛濱陛下三萬歲慈母亦復然

庾肩吾芝草詩黃金九華發紫蓋六英通 馮衍傳食

五芝之茂英注茅君內傳曰句曲山有神芝五種龍伯

參成燕胎夜光玉芝

爾雅注芝一
歲三華瑞草

魏神芝

繆襲神芝贊青龍元年五月庚辰神芝生長平之習陽

其色紫丹散為三十六莖似珊瑚之形贊曰煌煌神芝

吐葩揚榮曩披其圖今握其形 魏都賦仁挺芝草注

芝草生樂平郡

晉嘉蓮

泰始七年六月己亥東宮元圃池芙蓉二花一蒂謂之
嘉蓮皇太子以獻

宋芙蓉連理 唐嘉蓮 同心蓮

元嘉七年七月乙酉建康額檐湖二蓮一蒂十年七月
己丑華林天淵池芙蓉異花同蒂十六年七月壬申華
林池雙蓮同幹十七年十月尋陽弘農祐幾湖芙蓉連

理十九年八月壬子揚州後池二蓮合華二十年五月

廬陵郡池芙蓉二花一蒂

又永嘉同七月吳興二十二年六月壬寅華林天淵池大

明五年
藉田

六月壬寅華林天淵池芙蓉二華一蒂二十一

年六月丙午天淵池二蓮同幹二十二年四月樂游苑

池二蓮同幹

孝建二年六月
庚寅玄武湖

泰始二年嘉蓮一雙駢

花並實合拊同莖生豫章醴湖

梁天監十年五月乙

酉嘉蓮一莖三花生樂游苑 陳袁朗為芝草嘉蓮二

頌 顏延之碧芙蓉頌擢麗蒼池飛映雲屋 張奐芙

蓉賦綠房翠蒂紫飾紅敷 傅亮賦暉映丹墀納芳綺

疏 唐開元二十一年六月癸丑絳州言龍興觀池同

心蓮一莖 貞元十八年權德輿賀神龍寺殿前渠中

瑞蓮花圖表網緼降祉菡萏蓍榮瑞茲灼灼之花迥出

田田之葉雙房挺茂一雨均霑柳宗元賀表祥圖煥開

異彩交映道協重華慶傳種德陶陰陽之粹美孕造化

之精英雙華擢秀連蒂垂芳又賀西內定禮池青蓮花

并神龍寺合歡蓮子云疊瑞重祥累集宮禁池蓮表異

靈化非常 雨華 千葉 金塘玉井 金房珠寶

張仲素表云傳芳丹禁倒影清流特聳孤莖對數雙萼

姚合嘉蓮詩雙花出碧泉

福草

宋志福草者宗廟肅則生宗廟之中 禮斗威儀君乘

木而王其政升平則生廟中注朱草別名

唐紫芝

武德元年十二月麟州獻芝草一莖莖黃蓋四年六月

益州獻芝草如人狀九年正月西韓州獻芝草異莖同
蓋貞觀十五年五月乙酉定禮門御榻產芝五莖十
七年九月紬芝一云素芝生於太廟寢室二十四莖為龍鳳
形柳宗元有賀陝州進紬芝表

唐太廟靈芝

開元十五年閏九月億歲殿生芝草一莖十七年五月
庚寅有靈芝產於太廟第九室殿柱二十一年八月癸
亥沂州產靈芝三莖是夜南方丙上老人星見色黃白

乾元元年四月丁卯太廟殿院北門內柱生芝草兩莖紫蓋代宗永泰二年太廟二室生芝

唐芝草圖

開元二十一年新羅王興光奏國內芝草生畫圖以獻
唐大同殿玉芝

天寶七載三月大同殿柱產玉芝有神光照殿八載六月殿又產玉芝一莖又銅池上有慶雲王維詩曰玉殿生三秀銅池出五雲勤政樓北曰大同門其內大同

殿

唐延英殿玉芝

肅宗上元二年七月甲辰延英殿御坐梁上生玉芝一

莖三花親製玉靈芝詩三章章八句曰玉殿肅肅靈芝

煌煌重英發秀連葉分房

詳見御詩

楊炎受命頌曰白鹿

擾於王庭靈芝產於延英

貞元十二年七月東都苑

内生芝

唐壽昌殿玉芝

長慶元年七月壽昌殿柱生一芝一莖六尺韓思復
為滁州刺史有黃芝五生州舍民為刻頌崔融賀乾
元殿芝草云瑤光發辰象之精金色吐陰陽之秀
煌煌三秀分藻井而攢柯曄曄九光間梅梁而吐
葉晉都宮閣何必靈芝之臺洛邑山川居然密芝之地
魏皇之雙幹莫儔漢帝之九莖為劣可以薦郊廟可以
觴公卿孫逖賀興慶宮芝表靈芝所致和氣之精著
美仙經標名瑞典五色有類於卿雲六莖且符於帝樂

獨孤及賀金暉院芝云暉暉九葩之益煌煌三秀之質靈根碩茂萬葉無疆神應炳然天意如答 常袞賀

宋汴獻芝草紫蓋黃莖云奇秀之狀靈篇未書垂以金蓋發其瓊葩 上帝博臨宮童效異金英並秀絢藻并煌煌紫蒂駢分映奠階而蔓蔓甘泉連葉僅出下房 函德九莖亦惟便殿 表

唐連理瓜 嘉瓜圖 祥符雙瓜共蒂

大曆三年閬州生連理瓜 貞元四年夏神策軍獻瑞

瓜三蔓合為一蒂 韓愈奏汴州嘉瓜云延蔓數榮異

實共蒂

同蒂
聯實

柳宗元賀徐州張愔進嘉瓜圖越州嘉

瓜二實同蒂圖表云神瓜合形表絲絲之慶 豳風七

月之食東陵五色之珍 又鹽州進合歡黃瓜圖 宋

朝祥符三年九月戊寅鳳翔岐山有雙瓜共蒂之瑞

天禧二年六月丁未元符觀生甘瓜色如金以示輔臣

天聖六年十月忻州二瓜同蒂

建隆芝草頌

建隆二年七月己卯亳州獻芝草翰林學士王著獻頌

傳云
熬芝

乾德紫芝

乾德四年黃州進熬芝作熬芝曲 興國三年八月庚

申杭州言淮海國王舊府功臣堂柱芝草生畫圖來獻
淳化五年正月丙子密州獻芝草四本

太平興國瑞蓮 祥符嘉瑞殿雙蓮 皇祐瑞

蓮 紹興雙蓮

興國九年五月內出玉津園瑞蓮一盆示輔臣花與葉
悉合歡而生 祥符元年東封還後苑產雙蓮因建嘉

瑞殿

是年天祚軍奏長慶河瑞蓮一本二花二本各二
房興元奏城固縣池瑞蓮一花二房溫州奏永嘉

縣池一本二房通州奏一本二花連州高州奏一本二
花三年七月辛巳吉果柳三州並言嘉蓮一莖二花

天禧元年八月己丑渝州言蓮一莖三花 皇祐五

年七月二十二日己未召近臣觀後苑瑞蓮至和三年

二月二十三日召輔臣觀 政和三年六月二十三日

嘉瑞殿池內生雙蓮四年六月十四日製雙蓮旗 紹

興二十五年十月以南安雙蓮華繪於旗 夏竦集梓

州奏廣化寺池蓮五莖各開二花詩云裏裏脩莖孤引

綠盈盈雙葉對分紅

絳附相倚
紫的文華

宋祁瑞荷同幹詩協

氣凝清蘩嘉祥耀鈿荷共茄含瑞液分蓋轟文波魚戲

浮香併龜游得地多房芝助蓮葉宮木遜併柯 晏殊

贊曰紅渠出水菡萏其華膺圖瑞聖共抵重葩穎立若

發芳敷靜嘉 葛勝仲賀嘉蓮表金塘擢秀異彩交輝

雙影浮波 瑞生靈沼 示乾坤交泰之符 瑞應

圖以雙蓮為華即華華也華山記曰華山頂有池生千葉蓮花

祥符孔林靈芝

元年五月乙亥王欽若言祭文宣王廟尼 山上有紫氣得芝五本六月乙卯孔林再得靈芝四本

祥符瑞竹靈芝圖

元年十二月庚寅溫州獻瑞竹靈芝圖

祥符泰山花卉圖

二年三月辛酉王欽若上泰山花卉圖二凡二十種請
送昭應宮繪壁從之 四年三月辛巳後苑牡丹雙花
并蒂 天聖四年季春丙午景靈宮牡丹雙附共幹詔
詞臣為賦 夏竦賦序隸萼承華召公流詠芝莖連葉
漢帝登歌

祥符龍圖閣觀芝草圖 金芝

二年五月丙寅召近臣至龍圖閣觀芝草圖三年正月
壬戌內出泰山芝草賜輔臣人十本四年以泰山芝草

裝寶山二百每山十一本六年六月丁卯兗州獻壽丘
所獲紫莖金芝一十一月甲寅丁謂獻芝草三萬七千
一百八本詔近臣觀于龍圖閣八年六月賜近臣靈芝
山各二皆丁謂進四月明州進芝草圖天禧元年三月庚
戌鄭州言聖祖殿芝草生祥符八年七月乙亥鳳翔
府言麥二歧又獻芝草合歡瓜

祥符三脊茅

見封禪

劉敞記三脊茅曰古之祭祀用茅至封禪則必三脊茅

以為神籍三春茅出於江淮之間其意以謂能服楚越
使其職來貢則封禪乃宜矣先帝將封太山責三春
茅於荆荆人莫識有一老父識之然後得貢於天子以
老父為有神助賜九品之服敕令畫工圖之以示學者
齊桓公欲封太山管仲以三春茅止之

天禧真遊崇徽二殿芝草圖

二年正月庚子內出真遊崇徽二殿梁上芝草圖示輔
臣上作歌一首五七言詩二首紀其事崇徽皇后所居

殿也

天聖天安殿芝 景祐化成殿芝 熙寧化成

殿芝 元豐天元殿芝

天聖元年八月甲寅芝生天安殿柱召輔臣觀退表賀

乙卯命百官觀之

鞠詠言河決未塞霖雨害稼宜思應災變願以進忠良退邪佞為國寶以

訓兵農豐倉廩為天瑞草木之怪何足尚哉

景祐四年五月壬戌芝生于

太宗神御殿楹丙寅

二十
五日

芝生於化成殿楹召輔臣宗

室兩制觀之帝作五言詩賜王隨等翌日各獻賦頌皇

祐三年六月丁亥無為軍獻芝草三百五十本帝曰朕
以豐年為瑞賢臣為寶戒州郡自今毋得以聞 嘉祐
三年延和殿召從臣觀河南府所進芝草十二月十六
日雪帝曰雪滋宿麥勝芝草之瑞乃賜宴于中書 治
平四年作靈芝曲曰蕝蓋輪菌金跗煒煌陽寥三秀甘
泉九房 熙寧五年五月召輔臣觀化成殿芝草 元
豐七年四月壬辰朝獻景靈宮至天元殿觀芝草宰臣
王珪等稱賀

天聖牡丹圖

詩 又見
詩類

天聖四年四月乙卯內出雙頭牡丹芍藥花圖示輔臣
令三館進詩賦六年十一月癸卯益州獻異花似桃四
出上異之目為太平瑞聖花 崇文目有瑞花詩賦一
卷 協風靈雨散為膏壤之滋共蒂并柯布在密青之

圖

晏殊
表

建炎赤芝

二年密州獻赤芝九月癸卯輔臣進呈上曰朕以豐年

為瑞其還之

紹興瑞芝 瑞瓜

十九年十二月於潛生瑞芝二十五年五月芝草生於

太廟仁宗室柱九莖連葉宰臣率百僚觀之表賀

沈中立獻

頌十月有司請繪于郊祀華旗又以贛州瑞木鎮江瑞

瓜嚴信二州芝草遂寧嘉禾南安雙蓮黎州甘露並繪

于旗二十七年二月仁英廟室柱上生芝四葉

校書郎張孝祥

作原芝

壬子表賀

隆興康壽殿金芝

詩

隆興二年三月二十四日德壽宮康壽殿生金芝十有二莖宰臣皆賀御製七言詩有永將四海奉雙親之句
漢甘泉宮九莖效異唐延英殿二花吐秀

紹熙慈福宮芝草圖

元年四月乙酉選德殿輔臣進呈畢上宣示慈福宮芝草圖壽皇芝草贊并御製芝草詩上曰芝草之生實慈福壽祉之祥壽皇誠孝之應詔高宗芝草贊隆興御製

芝草詩壽星芝草贊紹熙御製芝詩共四本宣付史館

紹興瑞芝圖

詩贊

見御製

慶元太廟瑞芝

慶元五年八月壬申玉芝產於太廟大室之西楹越十日辛巳有司以聞詔百寮觀之超榮大厯踵美紹興

玉海卷一百九十七